



Bases

Xixón | Cultura y Educación

El concursu Xixón Fala en 3 va consistir nuna competición, n'asturianu dafechu, onde se va presentar un tema, una idea, una investigación, un proyeutu, un problema social, etc. con munchu procura y cola mayor calidá llingüística posible énte un públicu non especializao, xeneralista y variao.

Los temes a tratar nel concursu van tener un rexistru cultu o académicu: hai que lu respetar y preparar el tema acordies con ello.

Esti concursu ofrez a la ciudadanía una ocasión única pa perfeicionar les sos aptitúes de comunicación n'asturianu, pa emplegar l'asturianu en cualesquier estaya y rexistru y pa participar nun eventu col que van algamase cotes altes de prestixu y normalización en tola comunidá asturfalante.

No que cinca al públicu, ye una perbona manera d'abrir mires y d'averase a un conocimientu, anque seya esbozáu, de temes mui estremaos.

- Van poder presentase a esti concursu persones mayores d'edá (nos apartaos A y B) y persones d'ente 14 y 18 años (nel apartáu C), **con esplicaciones comunicatives curties d'estremáu calter** y que respondan al enfotu del concursu.
- La presentación del tema habrá ser **individual**.
- Cada participante habrá esponer el tema en **3 minutos esautos**, d'una manera clara y concisa.
- La presentación habrá ser **dafechu n'asturianu** y habrá emplegase un **rexistru cultu**.
- Los temes que se van presentar divídense en **tres estayes**:
 - A. Temes venceyaos a la **cultura y la realidad asturiana** (por exemplu: antropoloxía, toponimia, baille, historia, sociollingüística, reconversión industrial, nueves formes de turismu y perspeutives de futuru, etc.).
 - B. **Temes de divulgación**, non venceyaos únicamente a Asturies (por exemplu: vida intelixente n'otros planetes, homeopatía y pseudociencia, crianza con apegu, enerxíes renovables y cambiu climáticu, etc.).
 - C. **La mocedá fala en 3**: apartáu nel que les persones de 14 a 18 años (dambos incluyíos) pueden presentar temes tanto de cultura y realidad asturiana como de divulgación.
- Tien qu'haber un **mínimu de 3 participantes** inscritos pa qu'una **estaya** se lleve alantre; sinón, va declarase **erma**.

Bases



- La participación nesti concursu ye **de baldre** y supón l'aceutación de tolos puntos incluyíos nestes bases.
- Cada participante puede presentar **un único tema**.
- Les personas que quieran participar habrán presentar la **solicitú de participación**, formalizada d'alcuerdu col **formulariu** que s'axunta como Anexu a estes bases, nel **Rexistru Electrónico** operativu les 24 horas del día, nel Rexistru de la Fundación Municipal de Cultura, Educación y Universidá Popular (C/ Xovellanos, 21 baxu, Xixón, 33201 n'horariu de llunes a viernes de 9:00 a 14:00 horas) o na Rede Municipal d'Oficines d'Atención a la Ciudadanía del Conceyu de Xixón, amás de nos sitios conseñaos nel artículo 16.4 de la Llei 39/2015, de 1 d'ochobre del procedimientu alministrativu común de les alministraciones públiques (BOE 2/10/2015).
- El plazu de presentación de solicitudes pa participar nel concursu ábrese'l **14 de xineru** y remata'l **14 de febreru de 2021 a les 00.00 h.**
- Van ser **automáticamente descalificaos** pol comité organizador los **temes** que faigan apoloxía del racismu, de la xenofobia, de la violencia de cualesquier tribu, de delitos de cualesquier tipu o que discriminen a otres personnes por mor de sexu, xéneru, identidá, ideoloxía, relixón, minoría étnica o social, etc.
- El comité organizador, n'esaminando la solicitú de participación, va comunicar **l'aceutación o denegación** de la mesma a la persona interesada.
- **L'actu públicu** de presentación de los temes va ser el **sábadu 20 de febreru** nel **Salón d'Actos del Centru de Cultura Antiguu Institutu (C/Xovellanos, 21)**, a les **11.00 horas**.

L'actu va respetar toles midies de segurana y distancies que yá son vezu. Recordamos que ye obligatoriu l'usu de mázcaru y xel hidroalcohólico.

La entrada ye del baldre. Sicasí, por mor de la pandemia que vivimos anguaño, les personnes que quieran asistir como público han apuntase unviando un correu a llinguaasturiana@xixon.es. Van acutase les places per orde d'inscripción.

Acordies colos encamientos conseñaos pola Direición Xeneral de Salú Pública del Principáu d'Asturies recordamos que toes aquelles personnes que tengan síntomes compatibles col Covid-19 o tean n'aislamientu o cuarentena nun han asistir al concursu Xixón Fala en 3.

Si'l día de la celebración de Xixón Fala en 3 la situación epidemiolóxica nun aconseya la presencia de público n'eventos, l'actu va poder siguise en streaming nes nuestras redes sociales.

- Va ser **motivu d'esclusión** nel momentu de la presentación del tema:
 - Nun emplegar l'asturianu, nun rexistru cultu, na presentación del tema.
 - Esponer un tema que nun se correspuenda col previamente aprobáu pol comité organizador.
 - Lleer íntegramente'l testu.
 - Pasase del tiempu o nun llegar (si son 15 segundos de más o de menos respeuto a los 3 minutos, va penalizase a la hora de les puntuaciones namás).
- El **xuráu** va tar formáu pol Conceyal d'Educación y Cultura de Xixón o persona en quien delegue, un/a representante de l'Academia de la Llingua Asturiana, un/a representante de la Universidá d'Uviéu, un/a representante de la Consejería de Cultura, una representante de la Oficina de Normalización Llingüística de Xixón y una persona venceyada al mundu de la comunicación. El so fallu va ser irrevocable. El premiu podría quedar ermu, si asina lo decidiera'l xuráu.
- El **xuráu va valorar** tanto la calidá espositiva y la capacidá de síntesis como la calidá llingüística, la oratoria y la capacidá de comunicación de les personnes participantes.
- Les **deliberaciones del xuráu** van tener llugar n'acabando toles presentaciones de cada estaya, y van ser de calter priváu.
- Si la persona participante emplega **hasta 15 segundos de más o de menos** respeuto a los 3 minutos que tien pa presentar el tema (esto ye, 3'15" como tiempu máximo y 2'45" como tiempu mínimo) **nun va ser descalificada por ello**. Va quitáse-y 1 puntu sobre la valoración final del xuráu (la puntuación máxima ye un 10).
- Van concedese **tres premios en cada estaya (A, B y C)**:
1^{er} premiu: 600 €, 2^º premiu: 275 € y 3^{er} premiu: 125 €.
- El desarrollu del concursu va tar suxetu a la evolución de la pandemia, cumpliendo siempre cola normativa vixente venceyada al Covid-19.
De nun poder facese presencialmente, el concursu va ser per videoconferencia en direuto.